
ВИЛОЯТ ҲОКИМИ МАРҒИЛОНДА БАЛИҚЧИЛИК ВА ТЕКСТИЛЬ СОҲАСИДА АМАЛГА ОШИРИЛАЁТГАН ЛОЙИҲАЛАР БИЛАН ТАНИШДИ

Вилоят ҳокими Хайрулло Бозоров, вилоят секторлари раҳбарлари билан бирга Марғилон шаҳридаги “Mr. fish company” МЧЖ шаклидаги хорижий корхонаси ҳамда “Тексажен Текстиль” МЧЖ корхоналари фаолияти билан танишди.

Йўрмадўз МФЙ ҳудудида собиқ тўқимачилик комбинати биносида ташкил этилган “Mr. fish company” корхонасида форель балиқлари етиштириш йўлга қўйилган. Вилоят ҳокими умумий 10 гектар майдонда, 6 гектар бино иншоотда ташкил этилган балиқчилик фаолияти билан танишар экан, етиштирилаётган балиқ ҳажми ҳамда яратилган иш ўринлари объект ҳажмига номутаносиб эканига эътибор қаратди. Хайрулло Бозоров, корхона вакилларига бино-иншоотдан самарали фойдаланиш бўйича янги лойиҳа ишлаб чиқиш юзасидан ўз мулоҳазаларини билдириб, асосий сармоядорлар билан бу масала юзасидан мулоқот ўтказиш лозимлигини қайд этди.

"Машад" МФЙ ҳудудида текстиль ва тўқимачилик маҳсулотларини ишлаб чиқариш лойиҳасини амалга ошираётган “Тексажен Текстиль” МЧЖда бўлган вилоят ҳокими, лойиҳа қиймати 15 миллион евро бўлган ушбу корхонанинг қурилиш ишларининг бориши билан танишди. Корхона келгуси йилда ишга тушиши кўзда тутилган.

[Бизни ижтимоий тармоқларда кузатинг Facebook,](#)
2021-12-14 12:33:16